



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

II. Recessit Hilarus ab institutis majorum, confirmans celebrationem  
Conciliorum ex diversis proviniciis.

**urn:nbn:de:hbz:466:1-15617**

loci Clericis faciendis contra precepta apostolica reperiuntur admissum, aut in eorum conversatione quiequam reprobatur, communis omnium auctoritate reseccetur. Infrā: Nec cuiquam licebit à regulis evagari quas sibi juxta canonum definitiones unita fraternitas in commune presixerit; cū imminentē quotannis examine, ita singuli actus suos dirigent, ut his discussio judicij operari magis debeat quam timeri. In dirimendis sand gravioribus causis, & que illic non potuerint terminari, apostolice sedis sententia consūlatur.

II. Tria quadam observanda sunt in hoc decreto. Primum quidem, Summum illum Pontificem disertis verbis confirmare celebrationem Conciliorum ex diversis provinciis congregatorum; contrā quam visum erat prædecessoribus ejus Innocentio & Leoni. Hi quippe edixerant ut unaquaque provincia suis specialibus Conciliis contenta esset, in quibus causæ terminarentur, neque licere ad alias provincias convolare. Quod eo consilio, ut ego quidem existimo, actum est ut ea arte facilius flecterent provinciales ad consulendam statim Romanam sedem. *Suis unaquaque provincia sit contenta Conciliis*, inquit Leo. Nec alicui liceat, inquit Innocentius, ad alias convolare provincias.

III. Secundum caput in eo constat, quod Concilium illud generale jubetur celebrari semel in anno, per annos singulos; non autem bis, velut synodi provinciales, quod ad formam Concilii universalis Africæ institutum est. Ad ea decreta alludit Synodus Agathensis, cūm præcipit ut Concilium Episcoporum regni Gotthici, ex quibus illa constabat, renovetur annis singulis, secundum constituta patrum: *Synodus etiam juxta constituta Patrum singulis annis placuit congregari*. Falluntur autem qui in eo canone agi putant de Conciliis provincialibus, nisi ostendant in præcedentibus canonibus celebrationem eorum Conciliorum semel tantum in anno iussam, quemadmodum LXXI. canon Agathensis supponit. Id quod probari non potest nisi quoad Concilia generalia, ut dixi. Tempus autem illud ad triennium coeret canon vigesimus Concilij Matricensis secundi, perperam à nonnullis intellectus de synodis provincialibus: *Ad synodum post triennium tempus omnes convenient, id est, ex omnibus provinciis quæ tum coiverant*.

IV. Tertium caput, quod est magni momenti, consistit in modificatione quam facit Hilarus, nimirum ut regulæ quæ in his Conciliis promulgabuntur, sint juxta Canonum definitiones. Eadem est sententia Concilij Venetici in epistola synodica: *Vt que in*

*prioribus patrum statutis videmus omissa, & procedente tempore licentia ex nimia labentis seculi libertate præsumpta, statutis saluberrimis sanciremus. Hinc factum ut præfationes omnium Conciliorum hanc cautionem continant, velle se canones antiquos renovare, & novos condere ad evelenda nova mala. Et in epistola tractoria Aviti Episcopi Vienensis, qua collegas suos evocat ad Concilium Epaonense, legitur id Concilium ea de causa convocari ut animi omnium revocentur ad memoriam antiquorum canonum, & ut novi condantur, si res ita ferat: *Iustum est, quantum reor, ut constitutis prioribus sub communis presentie opportunitate tractatis, nostris simul nobisque, prout ordo collocationis invenerit, vel insinuemus vetera, vel, si necesse est, etiam nostra jungamus*. Eadem fuit sententia Concilij Arvernensis habitu anno DXXXV. cujus ea sunt verba: *Id nobis rationabile visum est, ut quamvis ecclæsticæ regule penè omnia comprehendant, tamen quædam vel adderentur nova, vel repeterentur antiquæ*.*

V. Canones antiqui, ad quos alludit Hilarus, nulli alij sunt præter eos qui continentur in Collectione quæ canone primo Concilij Chalcedonensis recepta est, id est, canones Nicæni, Ancyranæ, Neocaesarienses, Gangrenæ, Antiocheni, Laodiceni, & Constantinopolitanæ, ne interim Chalcedonenses omittam, quæ Collectio Latine versa est tempore Concilij Chalcedonensis. Sed quoniam translatio ista confusa erat & indigesta, Dionysius Exiguus, natione Scythæ, & Abbas apud Romam, novam versionem aggressus est aeo Iustiniani Imperatoris; quæ statim obviis ulnis excepta est ab Ecclesia Romana, ut testatur Cassiodorus: *Ex Grecis exemplaribus canones ecclæsticæ moribus suis, ut erat planus atque discutens, magna eloquentia luce compouit, quod hodie usque celebrimo Ecclesie Romana complectitur*. Ceterum sufficere viâ non est Dionysio Collectione canonum Graecorum. Itaque ut eam integrum esse efficeret, canones Sardenses adidit, & Collectionem canonum Africanorum, præter quinquaginta canones apostolicos, qui prima statim fronte occurunt apud Dionysium. Constat integra hac Collectione ex CCCLXXI. canonibus: quos statim subsequuntur decretalia Pontificum Romanorum Siricij, Innocentij, Zozimi, Celestini, Leonis, Gelasij, & Hilari. Corpus illud canonum & epistolarum decretalium statim in universo Occidente obtinuit ad dirimendas lites ecclæsticas; præcipue vero in Gallia, ut patet ex Gregorio Turonensi, qui illud vocat librum Canonum.